

هجری شمسی (۵) کانون اول سنه ۱۲۷۰ (نومرو ۱۷ - برنجی سنه) هجری قمری (۱۶) جمادی الاخر سنه ۱۳۰۹

مجله

۱۳۰۹

به منقشه پخشیه کونلری نشر اولنور

امور اداره و تحریک به خاند هر خصوص ایچون
مدیر مسئول قصبار نامه مراجعت اولنور.

سیاستدن ماعدا هر شدن بحث ایدر. درج
اولمیان اوراق اعاده اولمناز.

نسخه سی ۴۰ یاره یه در

شرائط اشترا

برسنه لکی در سعادت ایچون - اداره خانه دن آلفق اوزرم - یکرمی، ولایات
ایچون بوسته اجر تیله برابر اوتوز غروشد

اداره خانه سی :

باب مالی جاده سنده قصبار مطبعه و کتابخانه و مجلد خانه سیدر

تشکیلی بولندقلرندن (اصول) دینور. چونکه لغت یونانیه ده (اسطقس) نه معناده ایسه لسان عربده ده (عنصر) اومعنائی مؤیدیر. امدی مرکباتک بوجسملردن تشکیلی سببیه (اسطقسات) وتخلل مرکبات نتیجه سنده اجسام مذکوره نکل ظهوری الجاسیه (عناصر) تعمیری قبول ایدلسه (اسطقس) کله سنک ضمننده (کون) و(عنصر) کله سنک ضمننده (فساد) مندیج بولنور.

اجمال - امور متعدده بی جامع تعریفدر.

اجمال - سوزی قبالی بر صورتده ایراد ایتمکدر.

احاطه - برشینک ظاهراً وباطناً تمامی ادر اکیدر.

احتکار - طعمای بهالی صائق مقصیده یینه جک شیری حبس ایتمکدر.

اح - الفک فتح وضی وحاء مهمله [نقطه سز] ایله کوکس آغریسنه دلالت ایدر. بر آدم اوکورسه (اح الرجل) دینور.

احتیاط - لغتده حفظ واصطلاحده نفسک کیناه ارتکابندن وقایه سیدر.

احتباك - سوزده مقابل ایکی شینگ اجتماعی و بر برلرینه دلالت ایتملری حسیه لاندن برینک حذفدر. مثلاً : (علقها نبنا و ماء باردا) [حیوانه صاهانه صوغوق صوویردم] دیدیکم زده (علقها نبنا و سقیها ماء باردا) [حیوانه صان اصدم و صوغوق صو شیردم] اکلاشیلور.

احداث - و قتیله امثالی بولنش اولان بر شینی تکرار میدانه قویمقددر.

احصار - لغتده منع وحبس واصطلاح شرع شریفده حبس ویا خستهلق ویا خود اوزاقلق مناسبتیه حجه کیتمکدن معاف اولمقددر.

احصار - وقف و طواقدن عجز محرمدر.

احصان - بالغ، عاقل، حر و مسلم بر آدمک یینه بالغ، عاقل، حر و مسلم بر قادینی نکاح صحیحله ازدواجیدر.

احسان - نور بصیرتله حضرت ربویتیگ مشاهده سی یعنی

حقیقتده دکل یقیناً صفات اصلیه سی واسطیه لر رؤیت حق سایه سنده تحقق عبودیتدر. بوکا منیدرکه صلی الله علیه وسلم افندیغ (کالک تراه) بیور مشلردر.

احسان - لغتده فعل خیره واصطلاح شرعده جناب حق کورور کبی آکا عبادت ایتمکدککدر. چونکه سن آنی کورمزسک بیه اوسنی کورر. (مابعدی وار)

تزهرت

صنایع

شو تعبیرک شامل اولدینی (معانی) اولقدر واسمدرکه کره ارض اوزرنده هر هانکی بر شینه عطف لحاظه دقت ایتمش اولسوق در حال عرض وجود ایدر. صنایع اساساً ایکیه منقسم اولوب بری (صنایع عادیه) و دیکری (صنایع نفیسه و عالیه) اولدینی معلومدر. سایه ترقیاتوایه حضرت پادشاهیده ملکمزک هر جهتی شعاة صنایع و معارفه مستتیر اولمش بولمسیله هر آن ورد زبان اصدقا اولان توافر شان واجلال و تزاید عمر و اقبال خلافتبناهی ادعیه مخصوصه سی بورا جقددخی بعدالتکرار صنایع حقتده عاجزانه بر ایکی سوز سوبلیمک استرم.

معلومدرکه صنعت دینان شی ارض اوزرنده متمکن بالجمله اقوام عندنده غایت مقبول و مرغوب و بناء علیه جالبصیت و شهرت برصفتدر. چونکه طبایع بشریه اساساً هر شینگ ایوسسته مائل و راغب بولندینی کبی ارباب صنایع دخی صنعتی ایلر و لیمکله اورغتی جلبه ساعیدر.

صنایعک اصحابی دائماً ممدوح و مقبول ایتمی خصوصنده افکار عمومییه اساساً متحد و ترقیسنی ارزو ایتمیان بر فرد هان هان یوق کیددر. باخصوص اقوام اجنبیه نک بو باده کی ترقیری هر کون مطبوعات ستونلرنی تولدیر و بر طور و بر کون اول نفاست و مملکتی حیرتمزی جلب ایدن شینگ ایرتنی کون دها اعلا سنک بازار عالمده انتقاریله شرف رجحانی غائب ایتدیک کور بلور ایکن اثبات فوق و تقدم ایچون سعی و غیرت فکری حاصل

اولماق قابل اوله من ظن ایدرم. بوندن اکلایلیورکه ارزو
عموم ایچون بردرجهده و فقط سعی و غیرت مختلف رتبهده در.
اگر ارزومر نسبتنده غیرتمز دخی اولسه بویولدهکی
ترقیه حد تعیین ایدیله من ایدی. ایشته بونی نظر اعتنايه
البر و منصفانه دوشونور ایسه که هرشیده ترقیه مانع مستقل
اولان «آدم سنده» تعبیر مشغومنی تمامیه خاطر لر دن طرد
واخراج ایدر که احراز ترقیه غیرت لابد حکمی الور. بوجهته
بالکثر تدارک اسباب معیشت ایچون دکل، ابقای نیک نام
ایچون چالشمی و انبای جنسمزه نمونه امتثال اولمغه سعی
ایتمی یز. شوراسنی دخی خاطر دن چقار ماملیدر که زمانمز اک
زیاده ارباب معارف و صنایعک مظهر تقدیر و مکافات اولدیغی
بر زماندر. زیرا بویکیرک ترغیب و تشویق و انبارنیک تقدیری
ایچون طرف مستجمع المجدوالشرف حضرت خلافتنا هیدن
پک جوق الطاف و عنايات احسان بیورلمقده و ارباب استحقاق
هر آن نشان و مدالیله رهین تاطیف عالی اولمقده بولنمسیله
کیجه کوندوز الطاف مالانهایه جناب ولی نعمت اعظمی به قارشو
عرض تحمیدات و تشکرات ایتمش اولسقی یسه زدرسنه مقابله
ایده مامش اولورز. بناء علیه بر اولادیدرینه قارشو فصل مادیون
شکران ایسه بزلر دخی بادشاهمز ولی نعمتمز افندیمزه قارشو
اودرجهده متدار بولدیغمز زدن هیچ اولمزسه طریق ترقیده
اثبات غیرتله لطف جلیل مکارم عدیل ظل الله یزینه اثبات
استحقاق ایتمش اولهلم. **ومن الله التوفیق.**

اسماعیل

شاگردلک

کینچلک زماننده، اک طمانی، اک سعادتلی بر شی وار
ایسه اوده شاگردلکدر.

شاگردلک زمانی لذت تحصیل ایله تلذذ آوایی اولدیغندن
روح آور، شطارت پروردر.

انسان بو زمانلر دن، پک عالی، اذواق معنویه ایله

والحاصل عفووان شبابنده هیچ بر عضو یوقدر که
شاگردلکک نسیم روح افزاسیله مهمز اولسون. شاگردلک
برسلم رفعتدر که نقد وقتنی هبا ایتمه درک مزیت جلیله سنی
تقدیر ایله قدمه منتهاسنه چیقان مقتنی ادب و حکمت البتده
نائل سعادت اولور.

حجرات دامانی شاگردلک ماء عذیبه ربان اولان
بر نورسیده، علوم آله اوقور؛ عالیسیله تنویر افکار، تهذیب
اخلاق و اطوار ایدر. هر ساعتده، هر دقیقهده بر درلو
شوقه نائل و حتی مدت حیاتک مستمراً بویله کچمسنه
قائل اولور.

نصل اولمسون؟ سهای مدینتک آفتاب معرفتی،
کوزلرینک طبقه شیکهسنه شاعات منبره سنی انفاذ ایتمش
بولور. بو برتو دللای بهجتی کوروبده استفاضه ایتماک،
طووضی کوز کوره کندینی چاه جهالته آتق نه بیوک
خطا، نه مدعش فلاکتدر!

باقکیز! تاریخ بابر افلرینی چویریکیز!.. شوخا کدان
فنائی بر زمانلر، ششمه اجلال و نباهتلیله، علم و معرفتلیله
تزین ایدن بونجه اعظم ام، هر ذره خاکی بر علویته مجبول
اوقوجه آسیاقطعه سنی بر عزم مشکل بر اندازانه ایله زیروزر،
نیجه علما و رجالی کندوسنه همیزم سفر ایدن اسکندر
شاگردلک نهال تازه سنک کاله ایرمش برر محصول طبعیسی
دکیدر؟ زماننک اثیر حاله کلوب اوجمش بر جوهری
دکیدر؟ اجرام سماوی، تبدلات ارضی، طوق بشرک
استماعنده مشکلات چکدیکي سنوحات علویه برر برر
انظار اعتبار و اتباه قویان دهات شاگردلک مشق قوامش
دکیدر لر؟

مشهر استعداد دینامکه لایق اولان شو عصر ترقیده نظر
ربای حیرت اولان آثار شاگردلک زماننده نسجه باشلانلمش،